

散曲叢刊
第十二種

清人散曲

冊一

提要

清人散曲選刊五卷。附錄一卷。乃就清人散曲之中。選擇數家。各刊其散曲之全部。並非清人散曲選本也。茲所刊者。爲朱彝尊。厲鶚。吳錫麒。許光治。趙慶熺。五家散曲。而附以徐大椿之道情。共六種。前四種原集無專名。茲亦不加意造。卽各以其集名名之。五家散曲中。三家專爲北曲小令。一家專爲南曲套數。一家則兼有南北與令套。茲分見提要如下。

朱彝尊曝書亭集葉兒樂府一卷。乃就曝書亭集附錄一卷。與翁之潤所編曝書亭詞拾遺卷下所見之散曲。合編以成。原集附錄各詞。按照宮調爲序。惟小有錯亂。如正宮叨叨令一首。附在越調小桃紅之後。是也。茲爲改正。拾遺十六首。卽插在附錄各調之後。

附錄中原有洪昇等和作三首。茲刪之。計得小令五十九首。字句中每有失粘者。必非原文。然不能悉正。付闕疑焉。葉兒樂府者。本於元燕南芝菴唱論。唱論曰。成文章曰樂府。有尾聲名套數。時行小令喚葉兒。足見當時樂府與葉兒乃兩物。而朱氏強聯貫之。殊不妥也。朱氏散曲擬元人張可久。以淵雅爲法。而亦時得瀟疏之致。

厲鶚樊榭山房集北樂府小令一卷。卽樊榭山房集續集卷第十也。用厲氏所刻袖珍本散曲合集校過。於普天樂增一繞字。又袖珍本末首枳郎兒脫新詞。同唱合歡六字。以此本爲準。其餘則兩本彼此悉同。原書附載金志章等和作三首。茲刪去。得小令八十三首。厲氏之爲散曲。亦慕元人張可久。較之朱氏法。

度尤爲嚴整。且深知喬吉惺惺道人樂府之奇俊。故意趣所到。不僅限於張氏之淵雅也。

吳錫麒有正味齋集南北曲一卷。卽有正味齋別集之一二兩卷也。原書小令套數各爲一卷。茲合之。其編次南北曲間出。與他集異。如梧桐樹等十二首題仕女圖十二幅者。聯章而異調。雖欲爲之分別宮調。與其他數種作一律體例。有所不能。茲用原集初刊本訛字較少。而仍有未能點定者。吳氏多爲南曲與套數。已非朱厲專取北曲小令有志摹古者之面目。南曲旣盛。必多用崑腔。而聲之爲用較著。此清代散曲先後不同之點也。卽論文字。吳與朱厲雖同爲詞人之曲。而吳能精細。不能生動。剛勁較遜。是亦受南曲之影響耳。

許光治江山風月譜散曲一卷。乃就江山風月譜所載北曲小令五十二首編成者。原書不以宮調爲序。諸牌間出。各系宮調。頗病雜沓。茲以其全爲北曲小令。與朱厲兩集爲近。故亦如朱厲所有體例改編之。而附見原序於目錄之後。以資考索。原集詞前附有小引。茲改爲自序。而另列之。許氏爲曲。專摹喬張於張。尤得神髓。惟有時求雅太過。或刻畫太深。殊乏機趣耳。此據別下齋叢書本。頗精整。

趙慶熺香消酒醒曲一卷。卽香消酒醒詞後所附之曲集也。套數十一。小令九。僅一半兒二首爲北調。仙呂入雙角爲南北合套。餘皆南曲也。趙氏以詠月套中江兒水一曲名於時。大概其作能融元人北曲之法入南曲。故雖爲南曲。而不病萎靡。有若明人施紹

華曲之風格必如此始完全投合。斯乃曲人之曲。不如以上四家之皆爲詞人之曲也。

徐大椿洄溪道情一卷。因其體與南北曲有別。故僅作附錄。惟道情本出於散曲中黃冠一體。元明人早已有之。而其句法修辭。又完全與曲體相同。音調則變自北曲仙呂入雙調。見徐氏自序中蓋與曲之淵源極深。

舍爲曲之附庸以外。別無可以位置矣。昔厲鶚刻元人小令。附見鄭燮之道情。鄭氏道情不過道情中之一體而已。未若徐氏所作。陳義寬廣。爲不可廢也。茲用徐氏之孫培道光甲申刻本。而以鈔本及筆記中所見者略校之。惟全書二十八首中。賀弔酬應之篇已占其半。而自序謂半爲警世之談。半寫閑遊之樂。與此殊不相合。疑徐氏原集並不如是。或已經散佚。

或已被芟夷。所謂警世之談。多觸時忌。培之斯刻。始出選輯。亦未可知也。餘說詳曲諧中。

清人散曲選刊一自次

曝書亭集葉兒樂府

正宮

折桂令 五首

天淨沙

叨叨令 二首

雙調

水仙子

無題 四首

沉醉東風

無題

題周編修漁隱圖

清江引

中呂

普天樂 二首

朝天子

送分虎南還 二首

送融谷宰來賓 二首

落梅風

查山探梅 二首

金字經

憶辰娘作 二首

集字

山坡羊

雙林菴

飲池上

醉太平 二首

商調

一半兒

西溪

靈隱

淨慈

西湖

浙江

釣臺

長山瀧

九峯

虎邱

錫山

金山

淮浦

理安寺九溪十八澗

虎跑

雲棲寺

天竺

吳山

富陽

嚴州

太倉學山園

玉峯

京口竹林寺

平山堂

東蒙

泗源泉林

小桃紅

題王元章墨梅 送德尹還里

前題

南曲

黃鶯兒

清人散曲選刊一

散曲叢刊第十二種

曝書亭集葉兒樂府

清秀水朱彝尊錫鬯撰

江都任訥中敏編訂

正宮

折桂令

鬧紅塵袞袞公侯。白壁黃金。肥馬輕裘。蟻陣蜂衙。鼠
肝蟲臂。蝸角蠅頭。神仙侶。淮王雞狗。衣冠隊。楚國獼
猴。歸去來休。選個溪亭。作伴沙鷗。

故鄉人千里書投。漁弟樵兄。盼我回舟。老僕長鬚。侍
兒赤脚。穉子蓬頭。趁新雨。過時插柳。揀綠陰。深處騎
牛。歸去來休。二頃秫田。一簣糟丘。

掛輕帆。潞水春流。夾路煙花。直下揚州。第一泉邊。第
三船裏。第四橋頭。喚十五女。青蛾對酒。點兩三條紅。

蠟藏鈎歸去來休。老子尊前最愛歌喉。

近南湖結個書樓。橋影前溪。塔火中流。梅蕊衝寒。荷香銷夏。楓葉鳴秋。松樹底一壺村酒。柳陰中幾隻漁舟。歸去來休。典我春衣。日日郊游。

問先生老矣何求。一片西山幾載勾留。獻賦長楊。掛冠神武。捐珮瀛洲。也曾簪筆。踏螭坳。右手也曾移家住。鼇禁東頭。歸去來休。閑把君恩說與朋游。

天淨沙

一行白鴈清秋。數聲漁笛蘆洲。幾點昏鴉斷柳。夕陽時候。曝衣人在高樓。

叨叨令

一年一夢空愁思。六張五角難成事。千呼萬喚無由至。辜負了燒春酒。美文君市。悶殺人也麼哥。笑殺人

也麼哥相見了只勝常兩個消魂字。

烏巾斂了煩遮護。縞衣借了親分付。畫船樣了愁行路。有一日踏花鹿女花間步。行不得也麼哥。留不住也麼哥。算後會他生未卜。今生誤。

雙調

水仙子

黃鐘百八戍樓敲。旅夢三千鄉路饒。平頭六十今年老。算不如歸去好。得逍遙。且自逍遙。閒摘朶山花簪帽。緊隨身村沽滿瓢。醉拖條竹杖過橋。

半湖山上采樵夫。百步橋邊垂釣徒。二家村裏耕田父。這生涯都不苦。要歸與只便歸與。錦屏風蒼厓紅樹。白雪灘金盞玉鱸。綠楊灣赤米青菰。

爲毛大可輓姬人曼殊豐臺花匠女也

玉堂傳說小名兒。檀板能歌絕妙詞。銀鈎會寫相思字。記人扶拜客時。勝豐臺一捻花枝。留客住。豪端染紙。想夫憐箏柱。調絲今日。個長恨題詩。

玉簫乍結再生緣。錦瑟何由續斷絃。張星罷向明河見。對著紙錢兒。喚阿錢。算湘湖。夢筆橋邊。紅躑躅。花陰路。白楊梅。山上田。卜個新阡。

沉醉東風

香茅屋青楓樹底。小蓬門紅板橋西。雖無蔗芋田。也有桑麻地。野薔薇結個笆籬。更添種山茶綠萼梅。這便是先生錦里。

題周編修漁隱圖

檝頭船茶壚酒盞藕苗衣。筍笠筠竿撈鰕柳樹陰。放鴨蘆花岸。畫圖中儘自消閒。縱使君恩未許還。終不

學鋪眉苦眼。

清江引

西風古寺攀楊柳。落日低銜岫。山行萬里程。水次雙江口。鴈兒不來魚定有。

中呂

普天樂

小樓前。疎林外。及基丹井。顧況書臺。鬱鬱綠水深。點點青山矮。釣侶詩朋看都在。把封泥。酒甕齊開。雞頭竹胎。穀芽餅餤。油菜花臺。到清秋。開家宴。生魚切玉。野雀披綿。村村斲蟹肥。日日湖菱賤。對竹千竿書千卷。悶來時。划個花船。白蓮寺前。青陽橋外。金粟山邊。

朝天子

送分虎南還

驢車慢些。小住長亭者。疎林不隔遠山遮。幾點新黃
葉。雲脚天斜。鴈書橫寫。趁歸人南去也。離別漫嗟。只
可惜中秋月。

魚標稻苗爭似南湖好。月寒沙柳夜蕭蕭。帆影卸三
姑廟。暗水橫橋。矮屋香茅。看黃花都放了。絲絳布袍。
再不想長安道。

送融谷宰來賓

箏絃酒船。且緩坐紅亭。勸仙鳧飛度鷓鴣天。種柳濱
江縣。木榭花邊。柑子堂前。算輕郵道六千。涼煙暮蟬。
話十里河橋遠。

花時荔支。日日堆江市。石牙山翠雨絲絲。榕葉交廳
事。萬里相思。六六魚兒。盼雙雙新燕子。清詩小詞。帶

幾個平安字。

落梅風

查山探梅

十里青苔路。三更翠羽啼。泛輕船太湖邊。樣等南枝北枝花。放齊也。未必明朝風起。細細香苞綻。泠泠淺水流。趁快雪乍晴時候。把短簫橫笛催上樓。對七十二峯行酒。

金字經

憶長娘作

蝴蝶難分隊。鴛鴦擬作雙。行近秋花六扇窗。剛迴身。避乳猿。新霜降。紅葉溼。鞋幫。

碧浪湖邊樹。白蘋江上舟。風雨蕭蕭不耐秋。愁歸帆。郭外抽。從別後。無計再勾留。

集字

亭景微雲散。窗紗細草妍。倦理風琴三四絃。憐早梅
斜日天。疏簾卷香濃紅袖邊。

山坡羊

雙林菴

涼雲池面。殘陽臺殿。綠槐不吐青蟲線。聞河淺。寺門
偏。蹇驢斜背風中繹。可惜馬蹄歸路遠。船橋那邊。蓮
紅一翦。

飲池上

昏鴉初定。涼蟬都靜。絲絲魚尾殘霞剩。渚煙冷。露華
凝。香簫笑卷青荷柄。我醉欲眠君又醒。箏簾內聲。燈
花外影。

醉太平

野狐涎笑口。蜜蜂尾甜頭。人生何苦鬪機謀。得抽身便抽。散文章。敵不過時髦手。鈍舌根。念不出摩登咒。窮骨相。封不到富民侯。老先生去休。

瞎兒放馬。紙虎張牙。寒號蟲時到口。吱喳儘由他自誇。假詞章。賺得長門價。老面皮。寫入瀛洲畫。禿頭髮簪了上林花。被旁人笑殺。

商調

一半兒

西溪

滿林殘雪碧山坳。人日春風金剪刀。孤棹野塘紅板橋。玉梅梢。一半兒開遲。一半兒早。

靈隱

冷泉亭子面山崖。蕭九娘家沽酒牌。爐畔碧桃花亂

開到重來一半兒依然一半兒改。

淨慈

冷雲山寺畫屏秋。斷塔雷封殘照留。孤汊酒村風慢收。載歸舟。一半兒蓮篷一半兒藕。

西湖

三潭新月浸魚天。十里長堤飛柳絲。尋到水仙王廟邊。裏湖船。一半兒剛來一半兒轉。

浙江

鯉魚風起鳳山根。白鷺潮來鱉子門。黃雀雨晴魚浦村。亂帆分。一半兒天斜一半兒穩。

釣臺

渚蘋山木古祠秋。漁子鼠師樣小舟。爭道客星天上留。契相投。一半兒君臣一半兒友。

長山瀧

鷓鴣難冷渚風清。謝豹花繁春雨晴。烏柏樹翻秋葉
鳴。挽船行一半兒山腰一半兒嶺。

九峯

一峯低映一峯高。十里沙連十里橋。曾記小船迎晚
潮。冷蕭蕭一半兒蘆花一半兒草。

虎丘

生公臺上鬪茶巾。短簿祠前羅酒樽。真娘墓傍凝舞
塵。款游人一半兒櫻桃一半兒筍。三句失粘待校

錫山

錫山泉近筍輿稀。竹火鑪輕松葉肥。蘭草岸回花舫
齊。恣攜歸一半兒香醪一半兒水。

金山

城頭殘角戍樓開。天際征鴻丁字排。攜手試登山上台。暮潮來。一半兒江聲一半兒海。

淮浦

行來沙際柳陰疎。望裏村邊酒幔孤。聽得渡頭人語無。遠模糊。一半兒吳音一半兒楚。

理安寺九溪十八澗

萬株松影壓平岡。幾處雲根護短牆。時有落花流水香。度飛梁。一半兒無聲一半兒響。

虎跑

閉門山寺轉松陰。欹枕風絃調玉琴。沙界虎跑流至今。恣舊尋。一半兒澆花一半兒飲。

舊字失
待校

雲棲寺

隔江峯影樹頭尖。過雨泉聲窗外添。風動剎竿花滿

簷繡幢黏一半兒輕翻一半兒斂。

天竺

散花新雨上方尊。落葉疎鐘下界聞。穿石細泉中嶺分。望氤氳。一半兒香烟一半兒雲。

吳山

松門人影去來疎。香剎巖阿高下殊。苔磴樹根深淺鋪。梵鐘初。一半兒斜陽一半兒雨。

富陽

滿山紅葉灑船窗。幾幅霜帆卸渚牆。千頃碧流歌棹郎。富春江。一半兒潮回一半兒長。

嚴州

千峯樹古損危欄。七里瀧長流淺灘。雙塔寺遙臨斷山。古城灣。一半兒停舟一半兒攢。

太倉學山園

板橋新雨乍添泉。石笋穿林不記年。梅蕊滿山剛破
烟。小亭偏。一半兒簾垂。一半兒卷。

玉峯

小鶯烟柳織金梭。古塔風鈴響玉珂。流水畫橋鋪翠
羅。酒邊歌。一半兒由人。一半兒我。

京口竹林寺

杜鵑樓小淨浮嵐。白鶴林高斜倚巖。青鸞尾長低拂
潭。雪花攙。一半兒旋銷。一半兒糝。三句失粘待校

平山堂

平山欄檻至今留。太守文章在上頭。峯影隔江遙對
樓。望中收。一半兒虛無。一半兒有。樓原作酒

東蒙

馬頭風引幾聲鐘。礪底泉流千樹松。窗外日斜無數
松翠重重。一半兒雲埋一半兒聳。

松字重韻待校

泗源泉林

層林蕭寺雨餘天。斷嶺殘陽松際烟。平岸小橋沙上
泉。漾淪漣。一半兒深深一半兒淺。

越調

小桃紅

題王元章墨梅

斜飛蝴蝶撲枝圓。不怕游絲罥。疎影依然水清淺。嫩
寒天。墨痕澹處珊瑚軟。似曾相見。稽山風霰。一樹小
窗前。

送德尹還里

揚州樺子小於龕。粉額朱紅檻。一路垂楊繫船纜。水

拖藍初鴻幾點秋容澹。梅花酒酣。蘆花風慘。夢穩到江南。

前題

謝家兄弟舊田廬。好續春池句。兒女團團紙窗戶。儘歡娛。閑尋捍海塘邊去。村醪遠沽。罾船橫渡。山似小葫蘆。

南曲

黃鶯兒

碧玉小人家。兩眉彎雙髻丫。春風愛立疎簾下。佳期最佳。陽差不差。心知消息。今年嫁。翦秋紗。紗裙合畫。畫取並頭花。

清人散曲選刊二目次

樊榭山房集北樂府小令

黃鐘宮

人月圓

甘露寺懷古

長安某寺廢園

正宮

叨叨令

碧浪湖感舊

醉太平

看梅宿西溪山莊

東郊小隱

題村學堂圖

春雨

初夏園居

仙呂宮

珍傲宋版對

後庭花

冬日同江聲登吳山

醉中天

張龍威送醉蟹

一半兒

金華寶婺觀

吳甌亭瓶花齋小集

上虞舜廟

浮山禹廟和嶼谷

吳山伍公廟

鶴林寺米襄陽祠

淮陰漂母祠

松江超果寺一覽樓

題閑居消夏圖

青歌兒

悼吳中歌者

南呂宮

四塊玉

題大滌貝鍊師房

沈歸愚天台歸過訪

閱金經

遊潮鳴寺

澆藥井

中呂宮

朝天子

送樓于湘歸吳門

紅橋納涼

春煙

滿庭芳

湖上弔月田等

題北郭移居圖二曲

重午行菴分韻

紅繡鞋

正月十六遊吳山

春晚

普天樂

題行菴

春水

喜春來

春柳

山坡羊

看山樓秋雨初霽

春日郊行

商調

梧葉兒

春山

越調

小桃紅

題橫波畫蘭

吳江道中

柳營曲

尋秦淮舊院遺址

春夜泛湖

漁家

漫作效康沂東體

春思效張小山體

雙調

沉醉東風

山東書

雙調

春日西湖

西湖

紅橋水亭看荷

折桂令

金陵朝天宮秋寓

賦得客帳夢封侯

題殿畫乞巧圖

低髻

述懷

述懷

西湖次趙文寶韻

浩然巾

題徐安生畫

懷嶰谷效疊韻體

楊妃病齒

清江引

蘇隄春曉

花港觀魚

柳浪聞鶯

麴院風荷

兩峯插雲

平湖秋月

三潭印月

雷峯夕照

南屏晚鐘

斷橋殘雪

萊貴戲作

落梅風

題西溪卜居圖

孤山訪梅

得枕椒園山東書

鄰牆杏花

嶼谷送漳蘭

水仙子

虎丘書所見

竹下水仙

齊瓊臺雪中過訪

謝嶼谷惠人葎

殿前歡

秋思用張小山韻

春草

撥不斷

晚秋田家

枳郎兒

月夜過青棠館

增補

增補

增補

增補

增補

清人散曲選集二

樊榭山房集北樂府小令

清錢塘厲鶚太鴻撰

江都任訥中敏校訂

黃鐘宮

人月圓

甘露寺懷古

夕陽江上吳朝寺。曾記昔留題。火焚松徑。塵埋蓮鑊。
雨洗苔碑。樓空多景。鐘聲今古。帆影東西。花開花
謝。潮生潮落。物是人非。

長安某氏廢園

行人指點城南路。往事半模糊。烏衣門巷。平泉樹石。
金谷笙竽。當時深貯。娘名御史。妾號尚書。而今但
有空池飛燕。破瓦奔狐。

正宮

叨叨令

碧浪湖感舊

月圓波靜蘇灣暮。一船兩槳橫塘渡。秋燈紅袖曾偷護。曉妝青鏡初回顧。憶殺人也麼哥。憶殺人也麼哥。重來都是傷心處。

醉太平

看梅宿西溪山莊

掩簑笠野橋護。莎砌田塍。梅花雪擁閣如巢。供吾儕睡飽。溪深溪淺隨春笑。窗明窗暗疑人到。鐘初鐘絕帶詩敲。剩香吟半瓢。

東郊小隱

小人哉學圃。諸生耳傭書。門前綠柳蔭清渠。東風菜

吐游仙枕外分朝暮。幸絲棚外看來去。選官圖外論
贏輸。閑中樂乎。

題村學堂圖

村夫子面孔。渴睡漢形容。周遭三五劣兒童。正拋書
興濃。探雛趁蝶。受朋儕吐。參軍蒼鶻。把先生弄。甘羅
項橐笑。古人聰。不樂如菜傭。

春雨

溼東風燕翦。灑芳樹秋千。掃晴娘拜惜花天。對珠簾
暮捲。濛濛遮住。宜春院。絲絲吹上傷春面。瀟瀟唱出
送春筵。好春光去遠。

初夏園居

野茶蘼蓋瓦。水楊柳穿笆。翠畦深護小人家。看童兒
戲耍。種瓜不長。東陵價。賜櫻不羨。長安話。澆蔬不減。

漢陰佳任東風過馬。

仙呂宮

後庭花

冬日同江聲登吳山

仙山迴磴重。酒樓空翠中。霜落千門樹。風清十廟鐘。
夕陽東。越王何在。鴉翻江上峯。

醉中天

張龍威送醉蟹

無復肥沙樣。風味付廚娘。纖手紅椒擘繡筐。只合糟
丘葬。春雨瀟瀟夜窗。背燈清況。畫眉人肯分將。

原注
事見

張敬
集

一半兒

金華寶婺觀

雲衣月面佩珊珊。夜駕天風下古壇。響入赤松山外
山篆烟殘。一半兒浮空一半兒散。

吳甌亭瓶花齋翦橙小集

移從夜雨記親栽。翦向西風入手纔。剝霧莫辭傾翠
醅。軟金杯。一半兒詩成一半兒改。

上虞百官江口舜廟

重瞳此地有遺苗。野廟空江玉座銷。無復百官趨早
朝。話漁樵。一半兒龍工一半兒鳥。

浮山禹廟和嶰谷

雲根不出廟庭隅。神怪當年豈盡誣。塑壁尚存山海
圖。看模糊。一半兒蝸涎一半兒雨。

吳山伍公廟

青山遙對海門斜。時見靈旗溼浪花。夜夜潮驚萬

家閃棲雅一半兒聲回一半兒打。

鶴林寺米襄陽祠

仙花僧竹認松龕。遺像依稀海岳庵。野鼠有時鬚被銜。護伽藍一半兒塵添一半兒減。

淮陰漂母祠

淮流日夜走青蘆。老屋煙煤一飯餘。亭長有妻曾媿無。漢規模一半兒韓侯一半兒母。

松江超果寺一覽樓寫望

潮迴黃歇浦邊春。天界秦皇道上曛。山冷陸機茸內雲。畫難分一半兒丹青一半兒粉。

題吳抱村閑居消夏圖

綠楊風裏掩茅茨。紅藕香中收釣絲。翠竹影邊吟小詩。日長時一半兒橫經一半兒史。

青歌兒

悼吳中歌者

花前偷回嬌盼。賞知音舞袖弓彎。何處秋墳唱夜闌。
拋卻青團扇兒閑。風流日。

原注元夏雪蓑青樓集李嬌兒人目爲風流日

南呂宮

四塊玉

題大滌貝鍊師房

種藥鉏分茶筴。蒼檜空堂隱臞仙。碧桃幽徑閑尋徧。
一柱煙。五洞天。九鎖泉。

沈歸愚侍郎天臺歸過訪

雪滿鞞。塵侵馬。白首諸公戀東華。相逢愛說天臺話。
躡嶠霞。飯瀾麻。吟瀑花。

閱金經

同吳可堂游潮鳴寺

竹外青蓮座。水邊黃面僧。掃葉烹茶折脚鐺。迎罷翻
金字經。蒼苔徑。看碑廊下行。

澆藥井

抱甕忘機事。栽花消俗緣。中有桐君上品傳。泉飛流
當暑天。雲漿噉。主人平地仙。

中呂宮

朝天子

送樓于湘歸吳門

稻齊鱸肥。久憶吳中味。乘秋帆影去如飛。嫋嫋菱歌
起。鶴市誰依。鴻廡單棲。算歸時。仍客裏。得歸且歸。吟
不了。烟波意。

紅橋納涼

藕湖柳渠亭館風多處。十年隋苑舊詩逋。團扇招涼
句。茉莉鬟酥。薔薇衣露。隔船窗聞笑語。不須醉扶月
上紅橋去。

春煙

遠林翠侵。煨處迷離甚。夜來輕抹畫廊深。和月梨花
浸。裹上羅襟。飛上瑤簪。似幽期一縷心。再尋至今春
有禁情難禁。

滿庭芳

殘秋湖上有懷月田筠谷穆門二君之
歿

湖山宴娛。景留年去。社散人徂。畫橋煙艇。風蒲路極。
目愁予。夢已隔黃公酒壚。寫難窮。白傅詩圖。秋光暮。
碧雲紅樹。泉下得知無。

題王茨簷北郭移居圖二曲

生涯自遣嫌居市井喜近田園酸寒東野唯詩卷家
具蕭然鈍榜上高題狀元醉鄉中舊署神仙尋君便
林鶯乍轉卽此賀新遷

鄰家大有東屯雞柵北郭漁舟鑑中煑字今能夠飽
矣何求羊角埂看花慢走兔兒泉裏茗閑游歸來候
遙山滿眸紫翠一筇收

辛未重午嶼谷半查招集行菴分韻

籬閑六枳階苔更掃徑竹新孳觴蒲有客過三四荆
楚佳時王播去功名似此孟嘗生富貴何之開胸次
須行樂耳不用讀騷辭

紅繡鞵

正月十六日同江聲可堂龍泓遊吳山

分得開字

三五夜將錢更買第一樓有酒初開士女燒香墜金釵春潮和月上暮靄送詩來燈街人似海

春晚

情黯黯花前側帽路茫茫月底吹簫花月江南憶新妖詩奩吟芍藥夢枕墜櫻桃人隨春共老

普天樂

題行菴爲馬嶢谷半槎兩君觴詠地在揚州北郭天寧寺西

碧蘿垣蒼筤徑簷花月明庭樹秋聲碁分謝墅幽榻下蕭齋靜大小山名堪移贈卜行窩招友經行行廚醉醒行衣露冷行篋詩清

春水

雪初消。波微溜。鵝鴨蕩口。鶯脰湖頭。藍拖打槳人。綠染滄葦候。何事干卿吹頻。顰顰笑。東風直恁風流。情如此柔。殘紅漾久。還繞妝樓。

繞字原脫據小令本補

喜春來

春柳

初過元夜新黃蘸。剛近清明嫩綠攬。小紅樓外拂毵毵。黏畫衫。飛絮滿江南。

山坡羊

秋雨初霽。嶰谷半槎。招同人集看山樓。填此曲。予以病不赴。

瓷青天逗。綃紅霞漏。井梧缺處山新瘦。雨初收。酒新筍。鯉風試弄凭闌袖。自笑文園多病後。秋嬾上樓愁。還獨謳。

春日郊行

春山如笑。春流堪照。桃花紅出疎籬靠。醉村醪。聽神
簫。社公雨灑潮王廟。雲影弄晴歸尚早。橋魚散苗郊
燕定巢。

商調

梧葉兒

春山

窗中岫。天外峯。雪淨遠連空。淡冶河陽重。浮嵐北苑
工。暖翠井西同。遙念著眉梢更濃。

越調

小桃紅

橫波夫人畫蘭扇敬身索賦

秦淮不見翠雙顰。摺扇香痕潤。往事眉樓有誰問。墨

花春靈均舊怨都銷盡。南朝豔粉才人風韻。題詠到

湘裙。

原注：龔宗伯有題畫蘭裙子如夢令爲橫波作也。

吳江道中

一篷風色一橈雲。詩有江湖分。第四泉邊綠陰襯。夏
寒新。憑誰寄箇松陵信。楊花泥褪。棟花飛近。金鴨煖
梅魂。

柳營曲

尋秦淮舊院遺址

支瘦筇。訪城東。板橋夕陽依舊紅。名士詞工。狎客歌
終。醉臥錦繡叢。閑愁埋向其中。溫柔老卻吳儂。香銷
南國盡。花落後庭空。風吹夢去無蹤。

春夜汎湖

停漏籤。展冰匳。春湖可人花月兼。蝶夢厭厭。柳影纖

織山隔夜明簾。呼燈重問青帘。叩舷同唱烏鹽。沂流
光。三塔動。衝香霧。六橋黏。尖風起。索衣添。

漁家

漁事多。柰漁何。漁心太平誰似我。春雨漁蓑。落日漁
艇。漁舍水雲窩。約漁兄。漁弟。經過。聚漁兒。漁女。婆娑。
漁竿。連月浸。漁網帶烟拖。歌漁笛。定風波。

漫作效康沂東體

回敝車。守空廬。貧中自憐貧有餘。鳥識親疎。花驗榮
枯。笑讀古人書。扁舟不逐陶朱。布衣空羨丹徒。英雄
重俯仰。事業一欷歔。初只合老樵漁。

春思效張小山體

紅漸稀。綠初肥。暖風一團香絮飛。春入長眉。春著單
衣。無處問相宜。乍開簾。芳草東西。倦凭闌。粉蝶高低。

鳥聽秦吉了。花發蜀當歸。伊誤了牡丹期。

雙調

沉醉東風

春日西湖

謁東閣平生未肯典西湖。此事休云約酒朋。探芳信。
賣錫天柳嬌花嫩。老作承平快活人。看鏡裏春山似
晒。原注元劉致中醉中天自注云宋諺有典賣西湖
之語臺諫謂之賣了西湖既賣則不可復省院謂
之典了西湖猶可贖也無官守無
言責此古人所以輕視軒冕歟

紅橋水亭看荷

移舫子雲陰半掩。倒闌干魚影深潛。池分九曲涼花
比重湖豔。看娉婷不隔湘簾。疎雨催詩意未快。但葉
上聲來數點。

折桂令

金陵朝天宮秋寓

笑平生詩卷生涯。偶寄雲房。似到仙家。鏡照山精。鐘敲夜斗。鼎鍊秋霞。申地園不留破瓦。卜公墳誰種殘花。莫羨豪華。六代興亡。衰柳啼鴉。

賦得客帳夢封侯

傍幽窗斗帳淒涼。何許儒冠。忽擁油幢。虎士趨風。蛾眉環坐。珠履成行。班祭酒須輕故鄉。李將軍得遇高皇。萬里名揚。萬戶勳償。一枕邯鄲。總是荒唐。

題殿畫乞巧圖

剩前朝一橙丹青。長信昭陽。無限秋情。金盒藏蛛。綵橋度鵲。紈扇飛螢。聽玉漏遲遲五更。拜銀灣脈脈雙星。梧影閑庭。不卜他生。但祝今生。

低髻

理香絲樣減菱銅。緊縮螺尖。不放雅鬆。翠葉斜安。金釵短插。羅帕輕籠。行雲穩。微微楚峯。墮花慳。小小吳宮。傳徧城中。壓倒韋娘。見慣司空。

述懷

問先生底事窮愁。放浪形骸。笑傲王侯。不隱終南。不官彭澤。不訪丹丘。搔白髮。三千丈在手。算明年六十歲。平頭天許奇游。弄月蛟門。看雨龍湫。

西湖次趙文寶韻

比西湖西子爭誇。西子看來。尚遜穠華。不盡雲山。無窮煙柳。可惜風花。斜陽在黃妃舊塔。醉鄉眠蘇小。誰家流水殘霞。新月如牙。油壁香車。歸去吳娃。

浩然巾

展鮫綃一幅裁雲。素頸遮寒。翠鬢藏春。踏雪風流。尋

梅窈窕。照鏡溫存分明。是江妃後塵。又猜疑孟浩前身。詩客知恩。剛近香肩。凍粟無痕。

題徐安生桂花湖石小幅爲丁龍泓作
是何人染出秋光。石擬聞螿。樹訝懸香。纖手皴苔。柔毫暈碧。嬌額分黃。權當作如來供養。也應教才子收藏。腸斷吳閭。漂泊多情。老去徐娘。

懷嶠谷游金陵效疊韻體

溯空行小艇。風輕萬頃潮平。清興堪乘。山迴雲生。林青雨映。一檣金陵。景陽井苔崩舊京。石頭城煙冷。新亭茶鼎禪燈。竹徑江聲。酒聖詩盟。少摒塵纓。緩定歸程。

楊妃病齒延清齋分賦

宴華清何限歡娛。底事朝來。粉悴香癯。柳葉微顰。瓠

犀小冷。棠萼愁吁。沒亂煞開天帝主。敕離支休進中廚。塞上思酥突騎長驅。活玉巢中。且忍須臾。

清江引

蘇堤春曉

誰家總宜船玩景。落月長隄映。柳煙舒翠屏。花露揩明鏡。西施帳中春夢醒。

花港觀漁

東風倚闌花似雪。小汊分鱗鬣。魚將花吐舌。花逐魚明滅。人生不如魚樂也。

柳浪聞鶯

小鶯擲梭風柳靡。翠線波痕細。雙柑酒便攜。兩豆塵休閉。百單入聲春去矣。

麴院風荷

風漪四圍深院宇。荷氣銷炎處。斜明柳外虹。亂颭萍
間鷺。來看翠盤高下舞。

兩峯插雲

南北兩高青對聳。氣溼雲飛動。牛頭縹緲齊。馬耳冥
濛共。僧歸雨來龍湧湧。

平湖秋月

月明滿湖剛著我。不攪魚龍臥。碧瀾寸寸秋。桂子紛
紛墮。星河醉驚都繞舸。

三潭印月

魚王國中看月上。三塔遙相望。浮珠白一丸。沈璧寒
千丈。夜深老禪心一樣。

雷峯夕照

黃妃塔顏如醉叟。大好殘陽逗。渾疑劫燒餘。忽訝飛

光候。漁村網收人喚酒。

南屏晚鐘

鯨鏗一聲山鳥駭。響徹青松外。雲遮五百間。月上三千界。歸舟幾聽頭漸白。

斷橋殘雪

水南數峯皴粉少。玉竦澄餘照。鷗邊草欲蘇。驢背梅初笑。林逋宅荒猶未掃。

菜貴戲作

晚菘一筐堪適口。莫笑貧家陋。求添轉不能。問價高於舊。宜州老人空肚久。

落梅風

華秋岳爲予寫西溪卜居圖因題其上
橫斜影清淺。溪翠濛濛嫩。寒山氣梅花見。招深處棲。

草堂資故人誰寄。

孤山訪梅

蜂鬚朶鶴膝枝。背湖陰杳無人至。逋仙墓前春若此。瘦吟肩聳成山字。

歲除得沈椒園山東書

琴工欠藥券遲。逼殘年有臺難避。門前雁行誰解圍。沈三兄俸錢遙寄。

原注張說謂沈佺期曰沈三兄詩須還他第一椒園行三故云。

鄰牆杏花

高樓雨深巷風。惜花人作詩無用。紅香笑窺牆角東。笑先生白頭非宋。

嶰谷送漳蘭

心占易佩擬騷。兩三莖送秋先到。吐幽香暗將炎晝消。雪窗僧寫來難肖。

水仙子

虎丘書所見

王珣宅畔曉鐘催。朱勳花邊午店開。仇英畫裏春妝賽。趁清明冷食來。施山僧那惜金釵。低潤臉男兒拜。整新帶侍婢擡。恨無端落日船回。

竹下水仙

翠雲影掠玉鈿柔。蒼雪聲搖金琖流。天寒正倚佳人袖。是何年雅蒜收。傍琅玕鵝管花抽。墨胎子生來瘦。楚湘娥分外愁。合就清幽。

齊瓊臺侍郎雪中過訪

十年握手意偏深。千里言懷喜不禁。三公折臂君尤甚。臥天台琪樹陰。惹蒼生望到而今。剡雪淒清興。江雲縹緲心。有約聯吟。

謝馬嶰谷半槎惠人葭

靈苗合在阮生家。香蕊應須溫尉誇。連根便是邊鸞
畫。價兼金難賽他。起沈疴何必丹砂。秋寄逢江雨。晨
煎汲井花。此意無涯。

殿前歡

秋思用張小山春思韻

寫秋思。芭蕉葉葉竹枝枝。南湖風雨涼何自。潘鬢成
絲。蟲聲唱鬼詩。雁影排人字。鳳紙書仙事。餘香滅後。
幽夢回時。

春草

燒痕春無端喚起踏青人。青青有盡愁無盡。不入侯
門。濃將落日薰。媚借飛花襯。色作羅裙認。小卿墓上。
西子湖濱。

撥不斷

晚秋田家

倚霜根。望前村。西風漸掠歸雅陣。稻熟租分解。面勻。菊香醉枕。鉏頭穩。是非休問。

枳郎兒

月夜過吳梅杏青棠館

趁微涼。訪書堂。淡月正昏黃。卍字闌干。亞字牆。新詞同唱。合歡花影轉東廊。

樊榭山房集北樂府小令

清人散曲選刊三目次

有正味齋集南北曲

小令

北雙調水仙子

歸興 四首

北中呂喜春來

探梅

北雙調沉醉東風

春日湖上 二首

南雙調玉胞肚

新柳

南南呂掉角兒

吳興道中觀插秧者

北越調小桃紅

松江

北雙調折桂令

上海南園

北商角河西六娘子

題馬湘蘭硯

北雙調水仙子

題燈下讀書圖

北中呂滿庭芳

風雨自湖上歸

北黃鐘入月圓

偶見

北中呂普天樂

漁二首

南南呂解三酲

寄心舟上人

南南呂梧桐樹

一舸

南商調黃鶯兒

虞兮

南中呂駐馬聽

出塞

南南呂一江風

歸國

南南呂解三酲

當鑪

南南呂駐雲飛

墮樓

北中呂普天樂

奔拂

北中呂謁金門

盜綃

北黃鐘入月圓

取盒

北南呂牧羊關

夢鞋

南中呂滿庭芳

驪山

南中呂閱金經

蒲東

南仙呂皂羅袍

杏花

南仙呂皂羅袍

桃花

北大石調青杏子

春盡日

南越調閱金經

句留處觀荷

北仙呂一半兒

虎邱

北仙呂一半兒

焦山

北仙呂一半兒

棲霞

北仙呂一半兒

秦淮

北仙呂一半兒

夏夜南園閑話

南正宮醉太平

湖上看芙蓉

北越調紫花兒序

野步

北雙調折桂令

題畫蟹

北正宮醉太平

移居東園

北雙調折桂令

述懷

南雙調沉醉東風

葺園

北正宮叨叨令

遣瘡

北雙調折桂令

題楓江漁父圖

五首

北仙呂一半兒

題友人校書圖

北仙呂一半兒

西湖曉泛

北仙呂一半兒

楊花

北仙呂一半兒

晚鴉

北仙呂一半兒

理安

北仙呂一半兒

梅雨

北仙呂油葫蘆

北郭外觀菜花

北雙調沉醉東風

題楊妃春睡圖

北正宮黑漆弩

曉過嘉興

南中呂駐馬聽

登金山

南中呂駐馬聽

浮山禹廟

南中呂駐馬聽

平山堂

南中呂駐馬聽

康山

南中呂駐馬聽

木蘭院

南仙呂排歌

紅橋訪春

北雙調撥不斷

詠蝶

北雙調折桂令

竹西寺小集

北雙調水仙子

酬友人餉寒窗清供

北越調小桃紅

遊鐵佛寺

套數

南中呂好事近

觀潮

南雙調步步嬌

題漁莊春霽圖

北仙呂點絳脣

觀孟蘭會

南中呂好事近

題十本梅花書屋圖

南中呂石榴花

題浮香樓圖

北雙調新水令

題靈芬館圖

南商調集賢賓

題陸晴厓聽香圖

北雙調新水令

喜洪稚存自塞外歸

南雙調步步嬌

遊石湖

北中呂粉蝶兒

送李味莊報最赴都

北黃鐘醉花陰

題梅夢圖

南南呂香遍滿

題劉松嵐小像

南仙呂八聲甘州

題袁葦庵小像

清人散曲選刊三

有正味齋集南北曲

清錢塘吳錫麒聖徵撰 江都任訥中敏校訂

小令

北雙調水仙子

歸興 四首

槐廳自愧抗顏師。蓬苑曾叨問字知。余四與庶常分校 諸王

亦荷分庭禮。

凡侍掌尚書房者見諸侯惟一揖而已。

只先生骨相奇。算

青氈故物難離。請圖作村夫子去。教些牛舍兒歸矣。

茅茨。

冬烘僅免主司憎。

余兩分會試房考而未得與典試。

春夢先催學士

醒。秋風今算歸人準。念君恩報未曾。顧頭顱雪樣堪

驚。便許踐湖山訂。料難酬江水盟。陽羨休營。

孟宗筍已雪中萌。潘岳輿能花下從。茅容雞慣田間
供。喜高堂顏更童。報春暉。此去從容。蠲憂忿。護堪種。
乞平安。竹正濃。此樂誰同。

筍鞋繫可逐樵夫。銅斗敲還聚釣徒。權歌唱亦招漁
父。任相羊裏外湖。更知心結個林逋。伴明月梅花古。
舞蒼苔鶴影癯。夢也仙乎。

北中呂喜春來

探梅

溪山明滅煙微惹。江路淒迷竹暗遮。風橫雪密可來
耶。花放也。今日較寒些。

北雙調沉醉東風

春日湖上二首

乘油壁蘇娘宛在。賣魚羹宋嫂重尋。人爭殘醉扶花

免餘寒噤引東風吹動遙林芳草如煙畫不深有夕
照泥金暗滲

天竺路催成香市總宜船喚起遨頭擡身劍響搖照
眼釵光溜問幾人合住紅樓淘盡銷金錫裏愁只換
得繁華似舊

南雙調玉包肚

新柳

似煙凝悄料纔禁春風剪刀熨眉開陌上青描引絲
長波心黃醮十三年紀女兒嬌傳遞新愁過畫橋

南南呂掉角兒

吳興道中觀插秧者

聽田謳水鄉最宜鳴秧鼓梅天新霽轉桑陰時看笠
歌立草泥不嫌腳膩這邊拋那邊接井字排鍼尖簇

綠混東西。風來暗長。雨來更肥。嬌兒比一般田穉。煞費栽培。

北越調小桃紅

松江

晚潮纔上客帆懸。月影飛如練。九點依稀髻鬟辨。共
洄沿。販鮮船聚知魚賤。鱸炊者邊。莼搯那面。歸計樂
今年。

北雙調折桂令

上海南園

問老鶴何日歸來。水冷雲荒。滿地青苔。蟹雨秋繁。雞
潮夜咽。蜃霧晨開。拜石丈花間振袂。禮星壇磬外更
衣。高閣凭看。明月中流。申浦帆飛。

北商角河西六娘子

何春渚珙所藏馬湘蘭硯屬題

俠骨橫撐翰墨場。都洗了粉暈脂香。點池羞煞楊花樣。竹也寫瀟湘。蘭也寫瀟湘。記伴金陵馬四孃。

北雙調水仙子

題顧文媛燈下讀書圖

觀書合作小喬誇。問姓還猜眉子家。披圖賽得仇英畫。趁紗廚燭影斜。借青氈當了生涯。仗霜毫洗卻煙花。莫認作喬粧聲價。只前身的粉蠹猜他。

北中呂滿庭芳

風雨自湖上歸

春心未闌。西風捲雨。吹出青山。條條水繞苔行慢。脚下生寒。乍落葉。者邊相趨。更行雲。那裏橫欄。逢人罕。芒鞋破傘。候渡在前灣。

北黃鐘人月圓

偶見

月兒恁不和伊至。偏弄竹枝枝。影來能瘦。聲來更悄。閃入心兒。斜塘也住。迴塘也住。門徑依稀。明朝去也。花開花落。夢也東西。

北中呂普天樂

漁二首

占鱸鄉。衝萍路。喧喧滿湖。煙裏如圖。桃花沿渡。訪荷葉掉船。逋日逐。煙波忘辛苦。到晚來明月尋吾。橫橋泊初。疎簾斷處。幽火又餘。

唱竹枝。拍銅斗。擘來擲頭。挈鷺提鷗。空灘經雪。壓窄港。慣風兜。笑得人間浮雲走。但有魚換酒。何愁楓林醉休。蘆花被厚。一覺齁齁。

南南呂解三醒

寄心舟上人

沒理會收回布袋。急奔波峭緊草鞋。禪門衣鉢詩家派。廬嶽去。杼山來。白雲裏。衲黏難脫。落葉隨筇撥。卽開沙鍋在。料無多米汁。有甚安排。

南南呂梧桐樹

梅村集中。有戲題仕女圖十二絕句。因用其題。各以南北曲譜之。并屬友人徐君蘭坡。仍繪其意。以傳於世。

一舸

西風吹白紵。歌罷人何處。莫道功成肯逐鷗。夷去算回頭。只有煙波路。吳苑千秋花也愁。無主。越客千絲網也兜。難住。剩相思。石上苔無數。

南商調黃鶯兒

虞兮

萬帳楚歌俱對青蛾意氣沮。罷鴻門走了烏江路。歌
公莫舞。唱公無渡。酬知孰肯頭顱付。濺春蕪。名花千
古。留當美人呼。

南中呂駐馬聽

出塞

國色誰知。何苦黃金賂畫師。蛾眉易老。玉關自遠。青
塚長迷。琵琶彈出漢宮悲。蟾蜍照見胡沙淚。險被胭
脂勒名溷了燕然字。

南南呂一江風

歸國

贖青蛾不惜黃金捨。高義原非假。恁還家。漢月重逢。

慘慘悽悽難對刀環話。胡笳已歇他琵琶。又換咱翻
愧了明妃嫁。

南南呂解三酲

當壚

著犢鼻風生一鬩。畫蛾眉翠隱雙峯。酒旗搖曳春星
動。休誇是數錢工。賦成纔有千金賣。歸去依然四壁
空。琴心送。只茂陵秋雨。累箇愁儂。

南南呂駐雲飛

墮樓

結了珠胎。雙角山邊墮地來。笛倚春風待。花許蛾眉
賽。喋綺宴小樓開。戰鼓休猜。一片花飛。還了齊奴債。
金谷人來賞綠苔。

北中呂普天樂

奔拂

布衣豪朱門寵。三生幸逢一笑情通。窈窕堪憐子隄防。莫惱公。縱使金魚能合縫。已銀河閃出秋風。杖策來從麝囊褪紫。塵尾留紅。

北中呂謁金門

盜綃

門遙戟高。那許盟花到。君爇信不比臣爇。一夜苔陰悄。繡戶如招。銀蠟猶燒。恰蟾蜍圓滿了。藍橋鵲橋。喜不負郎君教。

北黃鐘人月圓

取盒

偏師竟仗紅顏赴。七首不須汗。兵消外宅。具探內寢。寒矣頭顱。波荒臺遠。鐘鳴漏急。夜景先圖。月明歸。

也。撲空一葉。煙影模糊。

北南呂牧羊關

夢鞋

神仙眷。美麗娃。恁拋伊偏戀別家花。薄命應該無情
恁罷。黃衫空夢到。紫玉付煙嗟。枉留教癡心在。磕鞋
兒占鬼卦。

南中呂滿庭芳

驪山

流雲忽逋。秋星兩點。照入花疎。隔花隱隱聞私語。天
上歡娛。駭羯鼓。漁洋響。初感琵琶。天寶彈餘。招魂路。
黃昏古驛。冷雨一鈴呼。

南中呂閱金經

蒲東

樂府相思曲。姻緣撮合山。夕陽人影看場還。完夢醒
草橋寒。雙文羨兒女話。鏡前。

南仙呂皂羅袍

杏花

燕喜憑伊來報。正嫩晴低襯。碎錦徐飄。狀元宮帽路
人瞧。尚書詞筆春風鬧。錫簫吹過。新煙已消。酒帘招
否。前村尚遙。只愛一肩香遞紅樓悄。

南仙呂皂羅袍

桃花

綠漲一番晴後。看天紅倒影。春滿迴流。重門人面見
還羞。仙源世外逢原偶。誰根誰葉。迎來莫愁。和脂和
雪。團成阿侯。可比兒家潭水情深否。

北大石調青杏子

春盡日

怎地又闌珊。便斜陽欲挽都難。只爭半晌愁無萬。東風今夕。綠陰明日。一樣欄干。

南越調閱金經

句留處觀荷

紅洗花頭活。香浮葉氣深。尚嫌微暑隔簾侵。夕陽沉半林。持筩飲十分涼到心。

北仙呂一半兒

虎邱

綺羅香簇錦輿濃。時世粧爭兩鬢鬆。畫舫曾貪倩婢逢。羨吳儂。一半兒嬌嬈。一半兒寵。

焦山

蒙頭蘿薜影穆穆。隱士雲深閱孰探。忽聽海潮音出

庵靜中參一半兒風松一半兒梵。

棲霞

碑殘捨宅澗苔生。鐘磬聲沉古水鳴。無復六朝僧有情。佛冥冥。一半兒禪鑽一半兒佞。

鑽字待校

秦淮

板橋記惜舊人稀。丁字簾無燕子歸。盒子會誰花榜題。剩青谿。一半兒斜陽一半兒水。

夏夜與萬廉山陸祁生上海南園閒話
子虛烏有妄言之。聽到涼燈欲殺時。颯颯滿窗山葉飛。逞新奇。一半兒談狐一半兒鬼。

南正宮醉太平

湖上看芙蓉

沿流淥水悠悠。認淩波步到。尚帶紅羞。斜陽底事爲

伊半晌句留。迎眸道者般清豔。最宜秋。悔輕被老鷗
消受。天涯回首。涉江人在。采采歸休。

北越調紫花兒序

野步

踏莎行。芒鞋斜轉。摸魚兒竹。斷橫攔。醉花陰。石徑怯
眠寒。那不就。青山一帶。先縛了黃篾。三間清閒。道商
量。畫稿絹曾礬。移居未晚。只要等踐約鷗來。作伴雲
還。

北雙調折桂令

題畫蟹

攪迴塘半折寒葭。幾輩蕭蕭。歇了爬沙。螯猶擁劍。爪
都迷樹。眼候煎茶。笑饕餮之斟老瓦。賸輪囷且快饒
牙。公子休誇一紙功名。黃甲誰家。

北正宮醉太平

移居東園

東臯生署號。村夫子移居。劃來水竹便留吾。已新編
煙戶。放生社乞魚苗護。鳴機坊許燈光助。灌園人習
菜傭呼。好衣冠漸疎。

北雙調折桂令

述懷

得歸來歇了朝車。隨意招呼。只在煙霞。芟製披寬草
鞋縛峭。箬帽籠斜。醉老瓦漁樵合局。席明蟾鷗鷺分
沙。筏子誰划。一道波痕去訪蒹葭。

南雙調沉醉東風

葺園

移老竹醉還欲臥。種垂楊舞亦常僇。藤穿壁縫強花

亞籬根妥約萍開鏡影如磨。械械涼風振葉過。淬水
面驚魚一箇。

北正宮叨叨令

遣瘡

遷延爲謁二醫誤。襖除翻惹羣邪侮。陰陽渾似天公
錯。炎涼直逼人情苦。炙殺人也麼哥。噤殺人也麼哥。
恁不怕杜陵放出驚天句。

北雙調折桂令

徐菊莊先生爲康熙戊午大科前輩。其

楓江漁父圖題者甚衆。中有竹垞翁詩。

已刻入曝書亭集中。後附折桂令五闋。

蓋竹翁自爲之。故集中不言題其圖也。

辛未春。徐山民待詔過杭。訪余於東臯。

草堂出此圖屬題。則竹翁作俱在焉。因
卽効其體爲之。以爲繼聲。則余不敢。

者分明前輩風流。脫了朝衫。卸下貂裘。野水沿洄。煙
蓑落拓。釣竹幽修。且莫說寒暄待漏。再休聽深谷鳴
鶻。楓葉催秋。畫箇紅衣。作伴閒鷗。

向垂虹橋畔優游。亭長頭銜。權當封侯。鷺拱鳧趨。魚
租菱稅。竹葆松游。傾老瓦。醉來白酒。臥蘆花。穩過黃
紬。老去溫柔。本事詩成。譜入漁謳。

問紅塵擾擾何求。朱十詞來。也訂歸休。大布衣偕。小
長蘆住。東洞庭游。纔博得五湖邂逅。又遮教半邏句
留。煙水前頭。雨細風斜。兩個扁舟。

算鷓鴣多少朋儔。福命安排。似此難求。酒客江東。高
人甫里。才子瀛洲。到今日神仙影留。羨當時富貴身。

抽水冷雲收。笠屐相逢一笑千秋。

念君恩只我難酬。垂老衰駘。竄跡林邱。牀要搯龜。俸將割鶴。耕待租牛。也贏得魚竿傳授。好編成翰苑源流。菼汭蘆洲。一瓣靈香。燕在心頭。

北仙呂一半兒

題友人校書圖

蟲魚辛苦別參差。落葉紛紛掃不辭。難燭但愁麗豎疲。月斜移一半兒塗黃。一半兒墨。

西湖曉泛

回峯醉塔傍煙支。宋嫂魚羹出釜遲。西子曉粧臨鏡時。放船齊一半兒湖南。一半兒北。

楊花

簾旌穆穆失游紅。窗網迷迷綴玉蟲。雪樣不寒雲樣

鬆冒東風一半兒離情一半兒夢

晚鴉

斜陽隱隱鼓嚨胡歸陣匆匆尾畢逋。潑墨滿天餘點
麤響空虛一半兒潮來一半兒雨。

理安

溪流接筧岫盤雲竹木參差另一村。衲子亦知生理
勤趁餘春一半兒分茶一半兒筍。

梅雨

折釵股勁學殊難落墨花肥拭不乾。壁氣染人苔樣
寒面牆看一半兒丹青一半兒款。

北仙呂油葫蘆

北郭外觀菜花

紅過桃花雪一場。鷦吹來風更香。坐圍野榭隔溪望。

布黃金界出祇園。廣涌黃雲顯得田。屯旺鵝兒殼蛻
新蜂兒翅搨忙。但酒波和著花光盪。渾不信有斜陽。

北雙調沉醉東風

題楊妃春睡圖

鸚鵡舌罷教調弄。荔枝殼且莫傳宣。迷迷蝶夢尋密
密梨雲變。鹿銜花有誰曾見。便描得豐肌軟似綿。怕
纏臂的黃金壓匾。

北正宮黑漆弩

曉過嘉興

杉青牖近船來繫。恰傍箇慣落帆的亭子。一星星已
蟹燈微。隔岸曉鐘催起。似愁他細雨飛寒。幾處紅樓
深閉。怕鴛鴦也撇湖光。要去趁那人夢裏。

已字待校

南中呂駐馬聽

登金山

塔頂呼鈴。斷渡風來不得行。畫看小李帶問東坡。泉
品中冷。講經龍欲出波聽。護禪鷁亦棲簷定。晚閣誰
凭。幾船紅板看抽帆影。

浮山禹廟

雲氣模糊。恍見羣靈左右趨。蛟龍洞闕橘柚天圍。山
海圖摹。飛芻絡繹路通吳。傳巴縹緲歌沿楚。民不其
魚。狂瀾永砥功哉微禹。

平山堂

山眼青濃。隔渡曾看宴醉翁。分來明月傳過荷花。留
得清風。夕陽簫鼓白鷗叢。畫船煙水紅橋夢。去惜匆
匆。泉剡蜀井未叨僧供。

康山

如許繁華一簣偏容此客誇。狀元名字。才子文章。豪
士琵琶。至今花木又誰家。慣逢絲竹談前話。我正天
涯。白頭被酒。恁堪歌罷。

木蘭院

一箸薺餐。判甚閻黎冷熱看。雲翻愈薄。花發徒濃。佛
坐無言。鐘聲任打夕陽殘。紗籠幾被蛛絲換。香積煙
寒。春消講樹。鳥啼人散。

南仙呂排歌

紅橋訪春

故燕偏遲。新鶯亂飛。租船去去湖西。一虹界處。畫圖
移。翠擁高頭紅接低。亭館合樓閣離。金迷紙醉夢何
之。歌吹繁燈火起。衣香人影幾多時。

北雙調撥不斷

詠蝶

撲春痕。盪雲魂。荼縻架底棲煙穩。綠草園中鬧日薰。
菜花村裏擋風緊。粉圍香陣。

北雙調折桂令

竹西寺小集

只年來歌吹消沉。換了幽蛩。能助清吟。落葉行聽青
苔坐藉。明月閒尋。

寺前有明月橋

彌勒地僧寬。酒禁兜率天。

佛證詩心。簷蔔垂陰。淨洗繁華。好盍朋簪。

北雙調水仙子

友人餉蠟梅水仙山茶爲寒窗清供譜

此酬之

老禪裹凍衲衣。應仙子凌波素襪能。女郎倚醉霞綃
稱。歲寒交各自清。謝殷勤糾合同盟。擁磁斗的苔泥

潤灌銅瓶的井水盈。伴殘年雪豔窗明。

北越調小桃紅

游鐵佛寺

寺爲五代楊行密故宅

墨雲都已換棲鴉。誰問楊花雪。隱隱興亡塔鈴說。誤僧伽。殘灰指作英雄劫。冷雨沉沙。陰風吹霎。地剩一袈裟。

套數

南中呂好事近

八月十八日秋濤宮觀潮

斜照送登樓。拓開胸底清秋。千牆薺簇。全教攏了沙洲。颼颼閃過空江風色。墮涼雪先有飛鷗。霎時間天容變也。看青連大地。我亦如浮。

〔錦纏道〕者前頭似銀潢從空倒流。斜界一條秋。倏

靈蛇東奔西掣。接著難休。響碾碾雷車碾驟。高轟轟
雪山飛陡。四面撼危樓。漸離却樟亭赤岸。一路的和
沙折柳。更道憑仗鷗夷勢。水犀軍渾不怕婆留。

〔普天樂〕羽林槍前驅走。飲飛隊中權守。折波濤顛
倒天吳。逐風雲上下。陽候青天濕透。惹烏啼兔泣。鼉
憤龍愁。

〔榴花泣〕

石榴花
首至四

一聲彈指重見。涌瓊樓。湘女倚處。

妃游。神仙縹緲數螺浮。度匆匆。羽葆霞旂。

泣顏回珠
五至末

璣亂丟。雜冰涎噴出龍公口。猛淋侵帕漬鮫綃。忒模
糊錦宛魚油。

〔古輪臺〕問根由。古來曾閱幾春秋。却煩壽酒今番

酌。大江依舊。呼吸神通。過了天長地久。有甚難平。一
番息後。但聽伊嗚咽。過津頭。歎則歎茫茫。世宙也等。

閒消長如漚。殘山剩水。荷花桂子。故宮回首。寂寞付
寒流。看來去。只銅駝無語。鐵幢愁。

〔尾聲〕朝又夕。春復秋。能唱到風波定否。怪不得回
轉巖灘總白頭。

南雙調步步嬌

題劉笛樓司馬漁莊春霽圖

莽風沙遮斷江湖路。何處尋煙語。畫裏儘流連。一角
漁莊白鷗分與。厭了長官呼。把鱸鄉權當頭銜署。

〔醉扶歸〕者邊是嫩尖尖。早筍蘆新吐。那邊是綠縹
纒長條柳乍舒。響冰澌急溜。放前沽。曬斜陽破網攔
橫浦。只認道桃花留住。釣人居。却費煞種花前度人
辛苦。

〔皂羅袍〕長養就魚苗無數。趁源頭水暖。流出菰蒲。

此中原有活民書。料功名不被天隨誤。行春來也。枯田要蘇。勸農去也。良苗要扶。捲煙波都化甘棠雨。

〔好姐姐〕歡呼東風一路。簇擁着前歌後舞。問紅衣畫出。能識釣師無。但贏取。鳴榔聲裏傳衙鼓。縛荻燈邊理簿書。

〔尾聲〕閒身乞得先歸去。道蓑笠今番且讓吾。當一箇候君前渡風標鷺。

北中呂點絳脣

中元夕觀盂蘭會

月影如波。竹枝旛舞。靈風過。搗鼓吹螺。送上昆盧座。
〔混江龍〕乍飄飄金蓮一朵。吹來頂上。結枝柯。暗籠著香煙綠慘。燭燄紅慙。魃地裏窳宰寒聲。搖木葉。一霎價離披黑影。走風蘿。上頭是面燃鬼。閃閃尸尸好。

一箇慣發婆心豪薛荔對坐的目蓮僧喃喃咽咽算
一個修成苦行老頭陀高掛起赦罪牌儘阿鼻獄跂
脚蒙頭一齊放出明貼上祀孤榜縱鬼門關披枷帶
鎖普例容過見者山望那山怪金銀氣塞滿天邊哄
一家兒瞎鬧盲爭忘記了爺爺奶奶因前隊牽後隊
訝酒肉場開張地下趕半路上呼朋引類結識箇弟
弟哥哥笑殺他逆祀行故鬼小新鬼大必踐其位亦
似那墻間祭東家來西家往又顧之他臨臯亭變相
圖開也難分地獄差別閻浮殿幽冥主在能照見世
界婆娑無論他文者相武者將鑿坡侍麟閣登但奉
了攝魂符就和那馬磨牛醫一樣做劉伯倫土裏鏝
頭鎔任憑他飽得學使得才五車貯八斗量自入了
枉死籍倒不如癡兒駮女免得喚蘇玉局詩中春夢

婆也有的估舶征檣可憐見瘴江邊誰收爾骨也有的粉白黛綠沒奈何白楊下其獻也歌也有的醫卜星相冠著述履著絢到盡頭時空博得史家方技傳也有的漁樵耕牧風則蓑雨則笠問收稍處誰第上唐代隱淪科還有的道謗僧僧謗道盼不著梯仙國選佛場饒你說法談禪那能穀塵殼外尋些二生活更有的貧又病病又貧送不去一一豎災五窮虐熬得精銷髓竭只算在苦海裏打箇盤渦皮傀儡竿木逢場但有些真性情也生日也淨末演得成忠孝節義悶葫蘆滴水不漏若遇著大劫數爲蟲沙爲猿鶴逃不脫水火兵戈做了場蕉鹿夢蝴蝶夢槐安夢邯鄲夢憑派在淨心經二十種眠擔怕擔驚誰喚醒醉魄癡魂皈正覺數不盡黎邱鬼黃父鬼楓子鬼烏蠻鬼都

拉進鐵圍山三十六報食香食氣怎提得罪花燠種
出閻羅模糊煞六道三塗渺渺茫茫人世但吟君不
見廝趁著疎星淡月來來往往今宵還問夜如何莫
愁是轉輪迴終受翳桑餓請來赴無遮大會要度盡
如是恆河。

〔油葫蘆〕偏淨眼看來苦趣多。愍沉淪待救拔。只索
得楊枝灑潤去沾他。他冷迷迷氣怯。依螢火。軟丟丟
衣敗飄蟬蛻。盼靈壇情怎通。聽酸文愁則那。猛鈴語
郎當搖一箇。蕩魂兒貼地白煙拖。

〔天下樂〕記當初險說得阿難脫了窩。魔也麼魔。仗
如來起願河。把妙味須陀煮一鍋。擾醍醐灌頂多。蒸
旗檀逆鼻過。便救了無量的癆骷髏起剎那。

〔哪吒令〕送蓬蓬雲過霧過寒陰一窩。雜啾啾風哦

雨哦。度秋墳一歌。換場場人多哭多。擲流光一梭。香
米山壓教饑餓。紙錢風吹到黃泉大。剛湊著半空
兒雨散曼陀。

〔鵲踏枝〕結手印。降羣魔。宣神咒。徹支那。只見傘蓋
威蕤樓閣嵯峨。獻美膳的城開護世。進天樂的伎奏
那羅。

〔寄生草〕苦苦憐飄墮。忙忙事羯磨。給資糧不惜將
衣裏撒香花生怕從風簸。奏頻伽也要隨聲和。直到
了歎孤文幾首廣離騷。纔算得者場功德團圓大。

〔賺煞〕老蟾趁銀河墮。聽了些前因後果。道成佛生
天爭甚麼。那靈霄官府原多。那釋宮阿魔壞如何。倒
不如守著者一縷靈光永不磨。聽泉吟竹和任莎眠
草坐。便歸去也。早有箇漆燈兒移亮慣迎他。

南中呂好事近

王少林太守

嵩高

屬題令祖樓村先生

十三本梅花書屋圖

身世歎如洵。只千古吟魂不消。隔溪隱隱暗香招。一枕游仙來悄。

〔山花子〕翻然似有雲旗導。行行軟踏青瑤。趁虛空眉月已高。把逋仙活脫身描。看吹過春風畫橋。東邊冷豔脂析苞。西邊綠萼煙透梢。潑眼花光遠近遮。要〔馭環著〕乍相逢索笑。雪骨冰肌。月魄雲魂。幾生修到。第一東風占了。可似當年臚唱。五雲中狀頭呼早。論宿果前身應曉。說舊夢今番未杳。洛神仿雁柱調。便一十三株。莫嫌花少。

〔縷縷金〕酥澆澆。粉繅繅。宜冬惟一。味勝瓊膏。休說

充饑餅徒煩畫稿。寒香直沁到心苗。花陰鶴同飽。花陰鶴同飽。

〔越恁好〕幾時真箇。幾時真箇。鋤月種苔坳。仗扶春妙手。疎布影密抽梢。圈花暈蕊兼點椒。望來齊綰。真耶。算停泊了。孤山棹。幻耶。算圓合了。羅浮覺。

〔駐馬聽〕無數賢豪。煞費登場健句。麈風花過眼。雲水消痕。雪泥融爪。銀杯化去。本難招。楚弓復得真難料。多謝迴飈。返魂香重。蒸到梅花窖。

〔撲燈蛾〕魂仍夢裏招。人來畫中叫。回首軟紅飛。認那番走東華道也。天上忙忙。前事都杳。賸餘酸一紙。合還開。道孫枝纔補了。春來稿。展香陰。便要將廣廈萬間包。

〔會河陽〕祖德相承。官聲自高。做黃堂辦到。和羹料。

賢勞早樹滿春浮。堂開玉照。願廝守著梅花老。者是嫡派的清寒肖。莫將那世味的酸鹹較。

〔菊花新〕君不見白田風景久蕭條。便喬木人家不姓喬。經史課兒曹。幸不失青箱家教。

〔紅芍藥〕瞻前輩似斗與杓。交賢嗣勝漆和膠。倘石上三生湊緣巧。道仙壇落花甘掃。明朝湖口泊輕橈。拚書堂一尊醉倒。聽花間翠羽啾嘈。認先生杖藜來了。

〔駐雲飛〕廣樂重霄。不過人間夢一遭。唱過華胥調。領了希夷教。嗙。清福半生消。木天人老。但借梅花印出花間照。那知道賢孫守護牢。

〔尾聲〕功名自古休誇耀。多少清門感寂寥。誰似者不斷生香玉萬條。

南中呂石榴花

題高惺泉浮香樓圖

松圍打拱無路許舟通。沿岸曲。掠磯東。逡巡有箇舊鷗逢。導行行。荻泖蘆叢。煙重水重。一條穿入溪雲縫。見疎疎幾葉漁篷。露蕭蕭幾座花宮。

〔前腔〕螢飄蠹迸剩者小樓空。隨落日。候東風。巡簷略見數椒紅。記當時玉軟酥融。香濃酒濃。把詩人高向花頭擁。照欄干月也溶溶。掩窗紗霧也濛濛。

〔急板令〕恁銷磨吟翁醉翁。任流連樵童牧童。蒼苔暗封。過一番翠羽匆匆。捲連朝秋雪蓬蓬。只留下落葉裁箋。流水調桐。誰吹笛喚醒春風。重唱徹玉玲瓏。〔好事近〕祖德述難窮。暖青山氣脈旋通。玉麟飛起。今朝要舞回風。從容待設寒泉清供。好交代茅屋家。

風還防是和羹借重。只修成高格一味宜冬。
〔尾聲〕西溪近已無梅種。便圖畫也飄清夢。道難得
者黃篾三間雪裏濃。

北雙調新水令

題郭頻伽摩靈芬館圖

水三分圍住屋清清。更修篁二分光景。牆頭蒙薜荔。
戶外插柴荆。畫上丹青早換了白眉生。舊三徑。

〔駐馬聽〕你料理林局。分水湖邊移宅定。你安排釣
艇梅花寺口。試篙輕。磬頭簇向樹梢明。紅衣換得楓
人醒。煙波興。儘漁歌立在門前聽。

〔沉醉東風〕者一帶留客。逕敲茶正清。那一帶看花
蹊。種石新成。者一帶糟邱臥畢卓瓶。那一帶畫叉掛
燕家景。讓伊家受用今生。況有胸中萬卷撐。可不是

神仙福命

〔折桂令〕數當年先輩遺型。有一個白犢逍遙。來往前涇。也有那傳神的盛子昭。畫竹的吳元鎮。還有那要下馬的魏家塋。殿松光白雲飄影。移草脚野露流聲。但見鶴下虛坳。鷗在荒汀。可真箇買了青山。可真箇築了茅亭。

〔沽美酒〕歎蒙頭白髮生。悔覓食朱門冷。回腸纏繞。饑人甑者根。由猛省。纔知道乞到草堂靈。

〔離亭宴帶歇拍煞〕尋詩合向煙霞訂。填詞要守宮商正。得閒時且敘閒情。酒錢付便了。沽雞柵喚宗文樹。漁具待樵青整。漉香羹。蓴絲雉尾縈。配左手蟹味團臍勝。料多情怎生忍俊。從今後也莫跨灞橋驢也。莫策東華馬也。莫棹青溪艇。胸非有萬間。志要營一

頃問誰人草堂費寄了杜陵。道此間有箇墊巾人在者。偌大的靈芸館中等。便了沽待校。

南商調集賢賓

題張晴厓聽香圖

氤氳滿簾何處尋。倏蟾蜍照入花深。伴箇畫眉人未寢。儘霏霏鼻觀微侵。心頭暗沁。偏要待耳根詳審。關心甚。恰病風纖手。釧響搖金。病風待校。

〔貓兒墜〕當年盾鼻磨過幾光陰。賸好句弓衣唱到今。重摹寶字畫雙心。沉吟記得擣秋砧。催回夢枕。〔尾聲〕梁衣合共天香品。問何日修書聽到漏聲沉。怕只怕半臂愁添寒夜恁。

北雙調新水令

喜洪稚存自塞外歸

驀金雞放赦下銅樓。感皇恩。莫名高厚。墨纔磨盾鼻。環已驗刀頭。萬里歸休好。重認茅茨舊。

〔駐馬聽〕昔日旃裘。雪打蒙茸寒欲透。今朝楊柳風搖。旖旎態逾柔。從軍來分戴吾頭。破荒去恁關渠口。壓還裝詩萬首。聲聲噤住秋笳奏。

〔喬牌兒〕憶當初貫索收。誰拚得萬義救。殺之二三幸。賴堯能宥。荷戈去。自抖擻。

〔沉醉東風〕問疏勒飛泉倒流。望祁連素氣空浮。雲搏太古濃。日陷奇寒瘦。莽書生窮塞也。風流只栩栩。猜伊蝶夢遊。却不道雪片和身捲驟。

〔風入松〕尚觚棱盼着屢回頭。肝膽幾生酬。枉衣穿短後。逡巡走。指望是挽天河。淨洗兵休。隔著秦關蜀隴。不知戰骨如邱。

〔滴滴金〕只聽說鷹攫羝飛風吹牛墮雷和龍鬪眼
未見筆先收但神異經添變相圖摹諾臯志就何曾
放些兒喜懼在心頭

〔雁兒落〕怕只是旌旗毳帳稠笳鼓轆門驟直壓得
小林牙意氣低越顯出大都護威風陡

〔得勝令〕呀負弩在前頭跨馬幾時休算年來身慣
冰霜鍊到者裏魂還湯火遊名流能驚魑魅蒼黃走
纍囚安望將軍禮數優

〔川撥棹〕驀地裏白烏頭論時光葛替裘端只爲赤
旱災流得邀蒙丹詔恩優風送悠悠雲助油油願真
個爲霖試手得成就了大田秋

〔七弟兄〕者邊的情話重留那邊的新詩要酬羨此
去勝仙遊召賈生竟脫長沙走放謫仙得免夜郎流

送髯蘇恰就毘陵酒。

〔梅花酒〕兀的不淚滂流。折檻幾曾修。補牘還又留。只狂愚挫汝一丢丢。到生入玉關人似舊。況逢著烽煙消歇太平秋。罷輪輓脫兜鍪。習魚釣。事耕疇。但聽那斜陽牧笛唱田謳。再休道騎馬勝騎牛。

〔收江南〕你文章已被外夷收。你遨遊直到海西休。你聲名更有汗青留。算如今許松楸廝守。纔無負了機聲燈影讀書樓。

〔尾聲〕君恩似此真希有。合丹青傳與千秋。只送行還有故人留。要添寫幾筆可憐關外柳。

南雙調步步嬌

重九前二日味莊觀察邀遊石湖索填

此曲以寫其勝

放新晴纔破青山笑。來喚沙鷗導。行行蕩畫橈。酒瓊
茶爐配就詩中料。聽說是登高。早西風吹側烏紗帽。
〔醉扶歸〕最羨是賜煙波逃脫金鑿。召最樂是賦田
園。隨著白雲招。面楞伽聽唱竹間樵。轉橫塘看理蘆
中釣。林泉果要福能消。願今朝來領先生教。

〔皂羅袍〕呼作遨頭也好。且題高故事。預借今朝脫
紅衣。免了畫圖描。引清尊避了箏琶鬧。丹黃小筆千
稍萬稍。玲瓏水調。長謠短謠。怕重來又是秋容老。

〔好姐姐〕儘盈盈金波盪搖。拌沉沉玉山摧倒。茱萸
醉插。未肯放歸剡。斜陽早。濃遮紅葉樓。三面冷侵黃
花徑一條。

〔尾聲〕長官如此情應少。只相約菰蒲句共敲。道不
怕催租人到了。

北中呂粉蝶兒

送李味莊觀察報最赴都

六載春風覆茅檐。甘棠陰重。驀今朝催。趁花驄曳旌旗。腰弓弩前驅。先動白叟黃童。問歸期。馬頭爭擁。

〔聽高歌〕喜則喜。清秋恰報年豐。趁稻把堆場香重。無煩笳吹。喧高壘。聽一路的田歌相送。

〔紅繡鞋〕笑我者烏紗沒用。拚今番漉酒追從。醉起黃花一帽風。衝開煙漠漠。趕上月瓏瓏。也續箇軟紅香夢。

〔古鮑老〕算此去橋經玉鍊。定記得並轡斜陽看禁松。算此去樓過丹鳳。定記得同立清霜候苑鐘。到今日蓑袂短。笠簷歪。難陪奉。但相盼。幕油明使節雄。早博得天顏喜動。展恩光照耀了江南歸壑。

〔賣花聲〕煩寄語同朝鶴侶須珍重。好配合鹽梅一氣同。把蒼生提出火坑中。掃清巴蜀。干戈不用。便田間也願獻幾首太平歌頌。

〔啄木兒煞〕洗金罍。進玉鍾。要殘年重約消寒共。莫說是停風阻凍。直挨到蜜梅花放。欠詩筒。

北黃鍾醉花陰

題趙渭川同年

希璜

梅夢圖

送上蟾蜍隔花鞦。又暗被花枝掠破。環尚缺。鏡誰磨。著甚來由。等到黃昏過。檢一塊軟青苔。且尋箇羅浮夢兒做。

〔喜遷鶯〕前頭村大。認酒帘三尺橫拖。來麼。鬧穰穰。壚頭請坐。只一霎沉醉春風面。已酩閃。身上香陰瞥過。拚化作翩翩蝴蝶。廝趕上銀河。

〔出隊子〕 虛空婀娜。訝天生者俊娥。喬粧得全身縞。素雪般掇。出落得絕世丰姿。玉樣磨。恁驀地和雲同撇。躲。

〔刮地風〕 莫不是仙洞衙城安置妥。莫不是神女峽。故隔嗟峨。捉迷藏占了梅花課。須明白者殺根着他。忍寂寞。竹籬關鎖。他耐清寒紙帳延俄。到底來花非花。夢非夢。幾曾真箇空。只是翠翹垂羅袖。曳慣引教。睡眠摩挲。笑幾生修道還如我。只雪滿花頭。萬樹皤。〔四門子〕 好風光轉眼匆匆過。去還來。離又合。也走了邯鄲也。到了南柯。早一場喚醒春夢婆。禽兒也歸。鶻兒也趁。臘老鶴花陰同臥。

〔古水仙子〕 憶憶憶舊薛蘿。念念念種花蹊。二間老屋破。走走走跨上箇踏雲騾。搖搖搖放一隻尋煙舸。

閒閒閒仙人爲免得張羅。罷罷罷萬民碑一齊打破。
和漁謳唱到定風波。學僧裝打了新包裹。甚畫中偏
戀暗香窩。

〔尾聲〕一夢古今提不破。休說者姓趙的太風魔。道
有箇老師雄先替我。

南南呂香遍滿

題劉松嵐五十二歲小像

鬚眉依舊。燕臺別君春又秋。那料蕪城重聚首。牡丹
紅起樓。楊花雪作毬。東風容易愁。莫放過韶光驟。

〔懶畫眉〕年華半百付波流。漸有雙華白上頭。正須
行樂及時謀。縱然件件丹青湊。也要我者饒舌豐干
說一周。

〔二犯梧桐樹〕那書啊梧桐曹倉萬卷搜。鄴架千編

授冷蠹前身。孔孔鑽能透。

鐵線箱

算十年辛苦丹鉛手。

只拄腹撐腸願待酬。

五更轉

喜今日春明善本抄全有。

落葉黃昏判與箇青燈厮守。

〔浣溪紗〕那美人啊。綵袖拖金釵。溜掛臣冠常自香。留吳孃軟語聽須又。陶令閒情懺。又兜珠幾斗。買他箇心頭兒。肯真實。不虛教月鏡懸樓。

〔劉潑帽〕那劍啊。雨風聽作蛟龍吼。到朝來拂拭吳鉤。記曾在徐君墳上掛松楸。濕漉漉心血酬。直驚得白日沉妖魘走。

〔秋夜月〕那酒啊。糟一邱。哄動了流涎口。蓮臺米汁親傳授。長齋繡佛休孤負。聽呼伊紅友。莫化成烏有。〔東甌令〕念君家邊關月。塞垣秋。算只有甘棠一種。留心中那管閒花柳。到者裏須消受。儘說伊蛟門三

好擅風流。合輪與前度種花劉。

〔金蓮子〕憑逗遛。道東山女妓蒼生舊。只休把英雄氣收。救瘡痍。要商量魯論熟從頭。

〔尾聲〕玉節馳花驄走。此身原是濟川舟。早博得五十功名賽馬周。

南仙呂八聲甘州

袁樺庵名于令。字韜玉。以作西樓傳奇得名。嘗官荊州守。罷歸梅村。詩所稱詞客。開元擅盛名。蕭條鶴髮可憐生。者是也。今其小像在袁綬階處。屬題此曲。

飄然舊影認烏巾。朱鳥意態縱橫。幾場歌酒險把光陰送盡。要堅紅字綢繆約。爲洗青樓薄倖名。揚州夢留伊杜牧三生。

〔不是路〕鐵甲霜清誰逼輪蹄出塞行。添豪興。燭圍貂帳坐書生。檄揮成。激邊風吹起梁州笛。便賽了中原十萬兵。秋毫等道眼光已注燕然頂。待留名姓。待留名姓。

〔解二醒〕醉燕市騰騰酒醒。盪湘波摺摺帆輕。回頭往事秦淮冷。誰唱到楚江情。章臺人去笙歌歇。夏口煙迷橘柚平。賸何處琵琶送客。淚染衫青。

〔前腔〕曲當場烏紗句併。語傳嬌驢背伶仃。餘聲譜出風波定。漸白髮可憐生。天寶客逢聊共話。廣陵散絕孰重聽。只西樓幾枝新柳。愁轉春鶯。

〔尾聲〕邗溝賸有潮堪聽。休便戀二分月子與同行。算落得畫裏荊州慰此生。

有正味齋集南北曲